



四佳集
十二

詩

卷十八

~16
2415
12



和
2415
18-12



四佳詩集卷之五十

第三十三

詩類

秋雨

秋雨蕭蕭篁竹林客懷寥寂伴蛩吟未成
王燦登樓賦一片斜陽萬里心


廣陵村墅 物體

家在廣陵江水湄黃茅簷外紅槿籬
王維早歲朝川畫杜甫殘年夔府詩
白髮悠悠不長往青山默然無盡思
急流勇退已辜負廣受乞骸當有時

落葉

風吹木葉亂飄零撲砌敲窗似有情
莫說秋聲無處著夜深無物不秋聲

四佳詩集卷之五十



詩酒

自笑平生任性真，顛詩癖酒兩毛新。
莫嫌詩酒顛，仍癖無酒無詩易老人。

江湖

江湖萬里又清秋，閉閣高吟只卧遊。
醉憶東陵燒筍脯，夢尋南浦泛蘭舟。
閑情寂寂三間屋，豪氣堂堂百尺樓。
白首至今迷出處，會當歸去狎沙鷗。

夜詠

年來多病倍清癯，坐對青燈隻影孤。
松院寒聲風颯爽，竹窻疎影月模糊。
閑揮短柄龍髯麈，為炷奇香鵲尾爐。
擺落無窮身外事，有時不語學僧趺。

聞蟬

數尺疎簾寂寞垂，枕書終日起眠遲。
蟬聲斷續來無數，啼在高槐第幾枝。

蓮亭

水亭終日獨徘徊，點檢荷花開未開。
睡鴨閑閑如我意，翠禽多事亦飛來。

感寓

白髮紅塵歲月飛，故園情思謾依依。
一區寂寞子雲老，三徑荒蕪陶令歸。
早識才名隨日減，更知身事與心違。
世間自有忘憂物，莫向樽前說是非。

即事

梧桐院落靜沉沉，策杖時巡碧沼潄。
日暮小童初罷釣，蜻蜓飛上藕花心。

詩成
詩成不必巧安排得處深知蔗境佳隨意詩成今
萬首只慙俚語半詼諧

芙蓉池

芙蓉池畔竹如雲香色皆奇絕點氛淨友此君吾
所愛相看終日挹清芬

寓懷

浮世虛名未即拋白頭長被故人嘲無心投轄能
留客有興歸田請息交甚譜喜從閑裏著藥方時
向病中抄獨吟終日門長掩不許時時俗客敲

再用前韻

老去詩書漸欲拋安能瑣屑事吟嘲喜聞管鮑死

知己不省山嵇生絕交畢老霜黃螯可斫杜陵雲
白飯堪抄問奇載酒無人到時有閑僧剝啄敲

三用前韻

韶華如此等閑拋不學揚雄作解嘲白髮已迷三
徑夢青燈時話十年交嘉蔬為倩隣家摘香稻還
憑野老抄驢背吟詩慙賈島如何迷得字推敲

書窩

池上書窩小似舟青菰紅蓼是汀洲等閑又被荷
花笑無酒無詩又到秋

李直講同年来訪

君訪茅廬我挽留論談一一憶前遊舉杯相目更
相笑幾箇同年能白頭

對月

東峯月出灩金波影入梧桐半在荷靜夜深深入
不到捲簾無語奈愁何

閑齋

閑齋新掃淨秋氣愜清幽竹色晴逾好荷香晚更
稠詩傳工部興賦憶仲宣樓身外無餘事高吟得
自由

獨立

獨立黃昏晚新涼滿意生螢飛分暮色蛩語助秋
聲步月仍成趣思鄉易惱情何方增老健袞袞樂
餘生

兀坐

兀坐尋常擁鼻吟花能翳眼雪渾簪意行自有尖
頭筆音斷曾無焦尾琴鼎鼎悲懽千古事堂堂時
序百年心秋風吹斷相思夢門掩誰家急暮砧

夜詠

薰香燒盡古銅爐照壁殘燈乍有無斗覺客懷清
似水坐看涼月轉踈梧

閑題

當頭世事總茫然小醉多時慣作眠妄說壺公能
縮地可憐杞國謾憂天機關病後都消盡膏火人
間亦苦煎已信此心無物我誰知一味即癯禪

用前韻

俯仰乾坤理自然義皇身世北窓眠蚊眉負岳無

多地蝸角爭邦自一天四大由來都是假七情從此不相煎坐跌終日吾先笑無乃前身杜撰禪

夢村田舍梧亭二首

瀟洒梧亭上登臨眺望通長江橫一抹列岫露千重葉密能遮日枝疎不礙風田園有真趣野老喜相逢

乾坤雙鶴髮天地一蝸廬玉粒間黃黍銀尊兼白魚新香浮甕釀嘉味入盤蔬丘壑隔城市高吟亦自然

自夢村將如諸富墅途中有作

秋光濃淡雨新晴閑跨驢兒緩緩行野路盤回山窈窕村田高下水縱橫鋤禾處處人相語春麥家

家杵有聲回望廣津青似染風帆一幅夕陽明

諸富村墅三首

松菊餘荒徑茅茨是故園候門憐稚子入室喜深樽密樹鳴簷角清泉漱石根江山頗幽僻亦可避塵喧

北臨廣津渡南對日長城丘壑情偏適江山眼更明三間屋雖小二頃田可耕乞骨寧無日優游送此生

栗里來何晚盤中今始遊採山仍釣水尋壑復經丘猿鶴已騰笑雲泉能解留有時心語口何不早歸休

三田渡箭郊途中

江水澄澄潑眼明
箭郊如掌望中平
半竿落日蹇
驢影萬里長空孤
鴈聲蘭芷已香秋
漸老溪山如
畫雨新晴南來北
去成何事辜負平
生白鳥盟

諸子弟來迂箭溪醉歸

諸君來迂箭溪潯
次第行觴滿意斟
忽有小風吹
雨過醉騎羸馬晚
駸駸

賀李承旨拜吏曹叅判三首

銀臺學士亞天官
高步蜚騰孰可攀
天眷已隆人
望重鐵城佳氣藹
門闌

兩榜題名五十年
當時君乃未生前
君今老大官
尤盛白髮如予益
可憐

揔管威名吏部賢
一身文武更雙全
如予老病將

何用長愧封君費俸錢

曉吟

老屋淒涼徹底清
挑燈危坐已殘更
空階一夜蕭
蕭雨滴碎古今無
限情

送金山權太守三首

好去金山守新承
玉殿恩雙旌聯皂
蓋五馬綴朱
轡公論曾推重高
才可剪繁絃歌將
六載聲譽藹

孤騫

慷慨無前輩公
廉有此賢政應如
製錦治要似烹
鮮鳧送王喬舄琴
鳴宓子絃微黃知
有詔臺閣更
周旋

使君才第一古郡
羨無雙山色連星
嶽溪流八月

江民宜勤撫字俗可化淳厖會作循良傳何人筆
似扛

晚吟

秋早梧桐剗地陰嫩涼透入藕花心閉門寂寂黃
昏雨坐數寒鴉返故林

頭顱

一生如許舊頭顱癖酒顛詩老更龕已約高僧尋
白社將携佳客訪黃壚將身無地菓蚊睫有手曾
驚捋虎鬚酷愛梅仙林處士移家將欲近西湖

夢遊鷄林訪崔學士致遠二首

孤雲學士是詩仙千載高名萬口傳昨夜分明夢
相見鷄林林畔月城邊

憶曾登眺海雲臺欲喚孤雲一笑開聞說已乘青
鶴去洞門深鎖不歸來

秋日賞蓮

深秋簾幙雨頻來無數荷花續續開獨倚烏床賞
終日佳兒時復勸深杯

憶村家

尊老鱸肥一半秋歸心湖海水同流藍輿鳴軋欲
歸去家在廣津津上頭

寄吳居士三首

長老康強壽八旬閉門三紀養精神里閭耆舊消
磨盡白髮相從有幾人

病中身世又新秋攬鏡吾今白了頭咫尺相思同

萬里對林何日說清愁
杏亭高處絕纖埃不許敲門俗客來
若喚東隣四
佳老從容談笑可深杯

地僻

地僻如丘壑官閑似退休
山容呈舊態竹色挾新
秋對客時捫蝨忘機欲狎鷗
功名聊復耳身世亦
悠悠

即席別鍾城洪判官二首

秋風策策葉辭柯南浦傷心又綠波
三疊高詞一
杯酒人生遠別白頭何
達城山下是吾鄉鄉有君家具慶堂
我欲為君傳
信字信書聊可慰愁腸

與李廣原克與圍棋李大敗不復枝梧李參

判瓊全金留守自貞旁觀大笑詩以戲之

相逢昨日對圍棋金李旁觀一笑時
我手雄豪如
鶻擊君才劣弱復狐疑蚊肩負嶽終難得
蟾臂當
輪不可支七縱七擒真我事知君早已豎降旗

睡覺

竹瘦荷殘庭滿苔幽齋終日斲人來
午窻睡覺思
煩渴一椀香茶敵酒杯

絕句一首

籬落西風落葉多鷄冠無數晚開花
閉門久雨青
苔滑時有閑禽下白沙
幽懷牢落不且秋兩滴梧桐惹起愁
獨坐尋詩尋

不得晚風吹鴈過南樓

次道遙亭見寄詩韻

秋風撼撼動金商時復思兄更斷腸頭白幾年傷
遠別眼明何日共清觴愁城真與羅山聳歸興還
同洛水長北樹東雲頻入夢夜深無語坐繩床

又

朝市林泉參隱商人間無處不羊腸早年乞退辭
簪紱多日偷閑對酒觴松徑槿籬田舍靜竹溪花
塢野情長開都賢主頻相訪那問元龍上下床

又

讀君詩律中宮商出處閑忙已了腸謝老一生愛
丘壑陶君千載稱酒觴掩門獨坐青山近揮麈高

談白日長斗室蕭然無俗物藥爐茶鼎共琴床

又

言詩今有起予商知子從前錦繡腸杜曲風情時
泛艇蘭亭行樂或流觴尋花問柳閑相適臨水登
山趣政長且識幽居長物在牙籤萬軸滿書床

又

渺渺長天轉素商紛紛景物攪詩腸黃粱初熟宜
炊飯綠酒新芻更舉觴喜見蒸鷄金佛膩更憐鱠
鮓玉絲長夜深斗覺饒秋興風滿疎簾月滿床

又

我生於世轉參商老去功名亦冷腸遣興尋常詩
滿橐寬懷憑仗酒盈觴青山入夢千重翠白髮綠

愁萬丈長帳望回園歸不得髀間生肉膝穿床

客去醉睡

客來何晚去何忙小坐談懷侑一觴醉倚短屏呼
不醒竹風吹送雨聲涼

夢百花潭

夢尋杜甫百花潭覺後猶知雅興酣不似去年鄉
國去白鷗春水滿江南

聞鴈

風高霜葉下月白明星燦南北相思心不堪聞一
鴈

秋夜思

秋雨淒淒響疎箒西風浙瀝打窻紙孤缸耿耿坐

不眠半被生涼清似水時聞寒蛩不傳語鴈度長
空向何處我思美人天之涯碧雲千里復以阻夜
如何其夜未央夢魂中斷歸路長秋夜思可奈何
相思脉脉空斷腸

鳳翔花

花開無數映雕闌五色分明翥鳳鸞帶露秋香尤
一瓣折來閑插膽瓶看

蓼花

蓼花清瘦向秋開玉露金風巧剪裁池院吾家似
洲渚恨無漁艇拂花來

蘆花

雨入寒塘動碧連蘆花開盡白於綿我園從此多

奇絕一片江南在眼前

流光

流光如駟隙拙計是鴛巢瓦甕餘醇酒磁盤具菜
殺書從隣客借門許野僧敲欲絕人間世無心作
解嘲

悵望

悵望田園阻思歸歲月多盤桓曾有逕安樂可無
寓身世垂頭鶴功名畫足蛇分明昨夜夢烟雨滿
漁養

聖上憐臣衰病日 賜內厨駝酪一器榮幸
無比拜祝采切吟成一首

謬承天寵極日食內厨酥玉潔光尤瑩霜凝味更

腴至恩深雨露霈澤浹肌膚粉糜思難報尋常萬
壽呼

悲秋

西風慘慄動高秋落日蒼茫獨倚樓蘭芷紛紜芳
渚恨芙蓉零落晚江愁碧空渺渺雲傳鴈黃蒿蕭
蕭水繞鷗搖落不堪騷客思擬從宋玉賦離憂

挽全義君李德良

千載風雲際聖明早年揚歷更蜚英籌邊策妙推
良將經國才高到列卿忽此已辰催歲月當時帶
礪載勳盟秋風一霎紅旌颺老淚難禁薤露聲

對蓮塘

雨後方塘漲綠醅荷盤多少翠如堆閑窗獨坐渾

無事細數晚花開未開

晝坐

湘箔踈踈水氣涼井梧一葉下書床黃庭寫罷燒
香坐閑與無如睡味長

思歸

秋日思歸苦未能低頭長作在家僧南江新漲澄
如酒何處鱸魚不下罾

秋懷

流光冉冉不會留烏帽西風怯白頭出處由來難
自斷閑忙自古不相謀陶潛歸去欲瞻宇杜甫行
藏獨倚樓我亦歸田曾有賦欲將身世老扁舟

秋晴

積雨慵歌枕新晴快捲簾乾坤雙白鬢身世一青
衫雅興詩將就微涼酒可拈坐看山月上古鏡出
塵函

卜居

卜居曾遠市多病愛幽栖晚果紅初墮新蔬碧更
齊親朋時隔絕稚子日提携十載功名事殘年意
轉迷

投閑

深得投閑趣都無用世心欲辭虞令幘曾破戴達
琴歲月飛雙轂田園隔幾岑悠悠空白首天地少
知音

古劍歌

內賜古劍有是作

夜夢玉斂頰古劍龍泉三尺明可鑑鋒稜瑩拭鷲
鷄膏紋藻細吐芙蓉艷明璫為飾玉為匣星芒錯
落電閃爍水剪鯨鯢陸犀象百怪盡懾魍魎泣如
此至寶古無多為倩神物煩撫呵我腰時有蛟龍
吼會見虹光射牛斗

夜吟

西風短髮白鬚鬢獨坐挑殘一盞燈羸馬齟齬聲
斷續家僮熟睡喚無應

秋日

王粲思鄉易感秋山陽聞笛轉多愁碧天如水鳥
飛盡淡淡斜陽不下樓

即事

荷滿池塘竹滿蹊刺桐枝上翠禽啼由來騷客多
秋思紅葉題詩意轉迷

酌酒戲題

休教膏火日相煎自可啣杯樂聖賢早識杜康天
下士皆言賀老酒中仙穩斟不惜花前飲劇醉何
妨甕底眠獨酌我今還獨笑一中風味是家傳

迷懷

烏帽何曾稱白鬚時時對鏡獨盧胡隨身自有雙
芒屨遣興唯餘一瓦壺醉嚼佳瓜甜似蜜閑烹晚
筍潤於酥殘年歸去真長策且問何時乞鑑湖

晚吟六言

綠荷千朶萬朶白雨一點二點夕陽影在簾櫳小

風涼生枕簟

用前韻錄奉鄭吏郎錫堅三首

明時選用公道開選部郎官况俊才人物提衡曾
有手聲名一日動如雷

醞藉容儀有脚春蜚英昭代姓名新山公已遠昌
黎逝吏部才華不乏人

雲斤月斧斲心肝題品人才在筆端銓軸元非廣
文冷如何依舊客羶寒

再用前韻三首

桃李門前幾度開當時座主愧非才斯文骨肉恩
情重邂逅高談劇轉雷

星郎磊落滿腔春身上恩袍翡翠新日草宣麻香

滿袖更將佳句動驚人

當年烏府鐵為肝藉藉聲名說雜端今日天曹有
藻鑑澄清如水近人寒

三用前韻三首

脚底青雲萬里開送君飛步倚長才如子老物將
何用曾愧黃鍾間瓦雷

槐院陪從過十春相逢愧我鬢絲新悠悠身世知
音少屈指交遊有幾人

直把青銅照膽肝時看黃色起眉端與君交道皮
毛少珍重深盟不可寒

四用前韻三首

懷抱何時得好開詩狂如我是麤才鄭虔家世兼

四首言集三
十四
三絕才調龍門變化雷
碌碌功名五十春一身多病二毛新
有田不去何顏面出處依違愧古人
些小塵寰一鼠肝浮雲變態亦多端
至交自古淡於水終始相期保歲寒

五用前韻

晚節荷花自在開獨吟終日窘詩才居然自酌三
杯後高枕閑眠鼻送雷
嶺南行樂憶前春花柳芳菲觸處新醉後不知雙
鬢雪烏帽欲整倩佳人
世事當頭欲吐肝白頭長愧點朝端分明昨夜江
湖夢百頃蒼波鏡面寒

晚吟

滿園猶晚色捲箔更秋風留客先炊黍呼兒為剪
菘林深還宿鳥天濶落飛鴻濁酒汝誰造消愁最
有功

用前韻

千家豆花雨一院桐葉風美酒孔羣林香羹周顛
菘南窻看倦鳥北塞問哀鴻荏苒催時序蒼茫造
化功

寓懷

紛紛世事日侵尋惆悵無人悟昨今曲墀徒薪真
上策守株待兔是何心一生自苦憐操瑟千載高
懷想破琴老病迷途吾已甚白頭長愧未投簪

白鬢

曉攬青銅鏡，皤皤雙鬢白。逝水不復返，白鬢無由黑。我有一斗酒，聊復慰愁腸。不見少年子，累累葬比邨。

秋日即事

秋容濃淡坐開窻，舊恨新愁未易降。細聽隔枝鶯轉百，閑看掠水燕飛雙。花開菡萏霏紅霧，酒潑葡萄漲綠江。把筆題詩時遣興，江湖歸夢繞漁艫。

中秋十四夜翫月

二七今宵月，冰輪滿九分。乾坤清似水，河漢澹無雲。露浥荷盤淨，風吹桂子芬。賞今將午夜，時復酒微醺。

中秋十五夜詠月二首

端正中秋月，明光此夜多。初看開玉鑑，漸覺灑金波。皎潔渾清氣，晶英絕點瑕。羞將雙白髮，獨坐對嫦娥。

本無梯雲術，何曾取月來。好從今夜賞，更舉故人杯。庾子登樓興，歐陽作序才。良宵真可惜，佳節隔年回。

書懷

百年世事謾悠悠，未蓋棺前未罷休。曲逆長貧曾不愧，陶朱速富本非求。拙謀無計營三窟，高興終當老一丘。自信此心無物我，渺然終日泛虛舟。

用前韻

晚節功名轉謬悠欲將身世早歸休一間破屋今猶在十頃荒田亦易求自可探花仍問柳不妨尋壑復經丘忘機漸覺鷗盟熟載酒携琴日泛舟

兩兒

大兒踉蹌捉蝴蝶小兒啼號覓梨栗阿姆提携諭兩兒團餅如掌復如明斯須兩兒上堂笑獨坐老翁頭似雪

送李教授

晨

之任公州四首

我愛李夫子才名出衆賢斯文選尤妙吾道教為先絳帳開師席青衿列講筵也應函丈下歸弟近三千

廣文又之任依舊客羶寒日色連槐市風聲想杏

壇自能宣聖化莫說誤儒冠從此聲名重蜚騰拜

大官

議論超先輩矩規範後生英才宜樂育學校要修明鼓篋多涵養橫經已作成他時長國學亦不愧陽城

公是人才藪君今訓迪精趺看龍虎榜相繼鳳凰鳴鷄嶽千重翠熊江一帶明可憐哥舞地勤苦讀書聲

村奴餉新粒

長腰新米白於霜爛熳炊來齒頰香粒粒農奴辛苦力愧予先汝得饒嘗

村奴餉新粟

栗子秋深顆顆香剥來肥軟味尤長兒孫爭覓還
相笑爐火燒黃滿意嘗

憶福慶

邇來數日暫分離一日相思十二時昨夢分明見
汝面曉窻看月倍相思

三間茅屋四山深憐汝居廬戀母心玆重起居當
自愛乃翁頭白病侵尋

題黃正

允亨

春川明農亭詩卷用成觀察

倪

韻六首

三面鰲岑夾兩湖捲簾蒼翠滴盤盂棄麻杜曲少
陵宅山水朝川摩詰圖千柄香蕖紅細細八竿脩
竹碧數數問閒退知何日深荷當年睿睠紆

遭遇蜚英被寵靈斯文藉甚姓名馨才華擅世來
祥鳳人物當朝覩景星雅興已追陶令醉狂言不
學次公醒昭江一帶青如染歸去風流有草亭

又

別墅君今擬鑑湖葡萄羨酒灑金盃一區雲物神
仙界滿眼溪山水墨圖有約田園多日興無私花
柳亦春敷慙予白首不歸去愁緒年來百段紆
人傑由來是地靈春川種德久芳馨早聞擢第鳴
昭代曾見為郎應列星南郡憂勞何暇醉西都佳
麗不耳醒夏山謠舞雙娥句想得分携泣別亭

又

不必蛾眉泛五湖倚樓明月爛銀盃君思衡宇

清趣我墮塵寰惜壯圖萬事一生多齟齬四時百
物自紛敷何人明捨知機早世路羊腸幾曲紆
此生長愧草堂靈陋室曾銘有德馨多病一身何
草草扶衰雙鬢轉星星幾思杜老江頭醉每笑屈
平澤畔醒何日與君同乞骨携琴載酒會江亭

秋望

望盡江皋八月天荻花風送釣魚船紅塵白首慵
騎馬惆悵思歸又一年

感時

百物榮枯在眼中芙蓉開謝自秋風天工造物憑
誰問看取人間白髮公

漁郎

策策西風紅葉飛碧波青嶂繞苔磯漁郎不管秋
深淺落日孤舟緩棹歸

讀赤壁賦

誰識堂堂蓋世雄掀天鼓角下江東九原不起周
公瑾賴有蘇仙作賦工

讀歸去辭

肯把長腰折督郵特書甲子晉春秋平生出處將
誰友不是留侯是武侯

讀草堂詩

百花潭北碧鷄坊萬首新詩一草堂伯仲風騷渾
細事平生忠義熱中腸

閑園

誰識吾家獨樂園尋常自擬浣花村梅兄自昔知音在竹弟從前托契存多日從容惟翰墨有時談笑只壺樽道遙亦可終殘歲得失榮枯不必論

自顧

自顧才無用於時老不堪聞鷄時起舞捫虱或高談五柳陶潛宅百花杜甫潭風流同晚節衰病愧朝簪

秋晴

深秋剛厭雨紛紛快意新晴坐負暄枸杞子成紅閃閃芭蕉葉大翠翻翻花前小鴨眠初穩枝上流鶯語正繁薄暮蓮塘移坐席待看明月聳金盆

寄福慶二首

杜甫示兒曾有句退之念子又留詩兩賢豈是無情者老我如今多所思

已喜攤書吟玉案免教誤字改金根養兒不教父之罪望汝成人志已勤

野老送蟹喜作

玉螯金甲內黃侯風味江湖第一流可惜無腸空郭索不辭五鼎近糟丘

琴軒金子同家醉歸明日題寄

玉露溥溥金風緊芙蓉已老蕪葭冷陰陰簾幙清晝長轆轤宛轉響桐井高人坐撫一張琴我洋真趣深復深世間不復生期牙眼高四海無知音閑寫黃庭一兩章花牋象管仍龍香銀鈎鐵畫珊瑚

柯鸞翔鳳翥蛟龍僵時看甕頭初潑醅折簡招邀
里社來朱絲綠綺張錦筵葡萄斂艷黃金杯雙娥
二八翡翠裙艷詞清唱能遏雲謔罷玉纖彈瑤琴
一絃一柱更清新為倩佳妓頻勸酒鯨吞虹飲不
停手馭醉歸來滿街笑風流四佳今白首風流四
佳今白首

送水川崔使君

潤身

家聲已繼崔秋浦邑宰真同柳永州人物古今誰
伯仲送君時復思悠悠
大抵撫民如種樹須知為政似治繩政當勿擾民
當愛捨此他求不可能
二水前頭明遠樓江山佳麗憶曾遊至今題記題

詩在縱使重遊奈白頭

數頃荒田一草廬姪兒生理甚全疎使君仁政深
於海謔誇謔中樂自如

謝籍田金判官餉松蕈

秋雨松山落葉深蕈花蒸出玉森森香酣肥軟多
滋味珍重先生餉我心

松蕈餉金子固

松蕈尖新玉數莖香耳魚炙軟耳羹贈君為獻高
堂上聊表區區一寸誠

晝眠

攤飯移時坐居然到黑甜案頭惟硯匣架上只書
籤落日斜穿樹微風自捲簾鵲聲初睡覺無筆夢

江淹

寄金子固甕浦別墅二首

尺五城南漢水頭君今歸去卜菟裘芙蓉峯下石
橋路鸚鵡洲前芳草秋盡日夷猶召黃鶴幾年浩
蕩盟白鷗有時作賦登樓興豪氣元龍浩不收
深愧濠梁負好期藍輿更欲款巖扉芹羹鯽膾將
軍宅桐葉石欄杜老詩許我他時同結社對君終
日澹忘機功名自笑依違久松菊歸休有四耳

閑人

早年揚歷際昌辰五入黃扉白髮新晚節優游惟
筆硯儘教人喚作閑人

秋思

鴈南飛萬里秋西風吹老木緜裘仲宣作賦還

禾夢閑倚高樓自在愁

再用前韻

蒲目江山剗地秋酒壚何處典狐裘轉頭歲月消
磨易莫對青樽謾與愁

三用前韻

雙鬢蕭蕭又一秋舊腰新瘦不勝裘芙蓉零落梧
桐老坐對青山宛轉愁

四用前韻

雲物淒涼斷送秋坐來時復攬衣裘蛩吟蟬噪頻
添恨桐雨蘆風總是愁

題駟馬契軸三首

四首詩集五十一

二十一

烏臺諸彥鐵為肝
鶚立朝端戴解冠
共避乘恩桓御史
霜威凜凜照人寒

法星昨夜照霜臺
升四郎官遴選來
一曲霜臺誰解聽
高誦起舞醉扶回

再長蘭臺憶去年
臺監一一總名賢
後來豪傑皆如此
綃幅傳神更宛然

用前韻寄子固

宦遊容易白吾頭
弊盡西風季子裘
痛飲狂譎空度日
登山臨水更悲秋
紅塵我愧慵騎馬
蒼海君今慣狎鷗
莫向樽前論世事
閑情爛熳浩難收

重九前一日大雨恐負登高之興

一年時序逼重陽
悵悵連空雨脚長
衰髮已添今

日白菊花欲吐
去年黃龍山落帽
思難得藍澗題詩
計亦涼欲學牧之
宜醕酌甕頭佳醕
又新香

九日亦雨

正當重九日
陰雨未全開
已負登高興
誰能送酒來
淒涼栗里宅
寂寞菊花盃
袞袞風流地
深思戲馬臺

是日既雨未能登高
菊亦未開
客又不來
獨酌有作

東籬黃菊未曾開
乘雨無人為訪來
急喚女奴供小酌
一年佳節不重回

送崔校理溥奉使耽羅四首

嫋嫋秋風水自波
送君千里動悲譎
才名早著金

閨籍使節今乘銀漢槎鯨海波恬開島嶼鼇岑天
襯老烟霞平生自信仗忠信遮莫魚龍出沒多
漢拏山色入雲齊日出扶桑聽曉鷄利涉東溟凌
汗漫望依南斗欲攀躋香傳橘柚黃金顆貢入驂
騶碧玉蹄雪裏山茶開滿樹飛來無數翠禽啼
天地東南象緯開雲烟浩渺接蓬萊遠遊司馬憑
豪氣奉使張騫仗大才滄海泣珠秋月滿長風破
浪晚帆催可酬弧矢男兒志俯瞰東溟小似杯
慙予鬱鬱滯荒隅磊落如君是丈夫不用浮沉騎
款段何如遊覽歷寰區為停別酒論前事更撫長
刀惜壯齒好是明春拚軟脚杏花踈影倩人扶
成均館都試大醉而歸三首

斯文根本是成均課試年年會大臣自笑白頭老
知事一時諸相揔青春

粉布諸生袞袞來風簷寸晷疾如雷自知未具雌
黃眼不識何人是俊才

試罷諸生勝讌開黃封灑瀲凸金杯老夫痛飲那
辭醉白髮烏巾倒載回

題東宮嘉禮都監郎廳契飲圖

歲在強圉協洽春始開春宮嘉禮高提調列相國
柱石獨我不才參末席僚佐諸君盡可人姿儀醞
藉美如玉杯酒從容滿座春風流文雅皆第一珍
重金蘭托契深髣髴傳神緜一幅六逸七賢難與
共飲中八仙宜伯仲何不盡我於其傍看我白頭

詩酒狂

菊花不開悵然有作

佳菊今年開較遲一秋情與謾東籬西風大是無情思不入黃花入鬢絲

功臣仲朔宴後醉歸有作十韻

駕馭英雄仰聖神良辰錫讎八功臣蕭曹籌策知誰得賈鄧勲勞或有人千載山河存帶礪一時圖像上麒麟鹿萍佳會儀初盛魚藻同歡樂更真黼座依倚瞻日月瑤墀咫尺拱星辰澤涵洪造軋坤大恩洽生成雨露均激灑仙壺浮綠蟻鏗鉉天樂動蒼旻叨叅盛際頽何厚偏感深恩骨已淪醉飽賡謔周雅什謳謠熙皞帝堯仁平生愧乏涓埃効

只祝瑤曷億萬春

抄秋到村家

抄秋搖落到村家籬菊蕭疎尚未花剗地西風吹不盡滿江烟雨響蕪葭

村興

西風穩送木蘭舟家在廣津津上頭夜月飲乾鸚鵡盞曉霜起攬鷓鴣裘閑搔白髮高千丈笑折黃花了一秋茅屋竹籬村興足餘生此外復何求

金正同年慶孫盧奉事漢石來訪

村廬閒寂斷人來小雨霏微滿砌苔多謝故人携酒訪從容談笑好懷開

登夢村望月峯

扶衰獨上最高峯，手摘星辰咫尺中。歲月無情天地老，江山不盡古今同。悲秋作賦思潘岳，蠟屐登山憶謝公。淺把涓涓一杯酒，莫將身世嘆飄蓬。

絕句

天地淒涼蛩雨夜，芙蓉零落鯉魚風。悠悠無盡登高興，漠漠江湖鴈影中。

過古垣村趙石澗故居

古垣村裏已斜陽，石澗遺居草樹荒。人物英雄今底處，田園無主子孫亡。

廣津路上懷古二首

當年麗濟角雄強，一水中分彼此疆。歷歷戰場今尚在，昇平閭落富農桑。

日長城下故王都，宮殿遺基掃地無。今日廣州開大牧，江山雖是城郭殊。

登諸富村舍後嶺妙高峯

北嶺岩堯紫翠堆，年年登眺遠眸開。江流不盡蕪天去，山色無邊捲地來。安得白鷗同浩蕩，欲招黃鶴共徘徊。何須謾墮牛山淚，醕酎唯宜盡醉回。

野逕

野逕當秋晚，江村味亦長。水寒魚尾白，霜落蟹臍黃。秔飯炊初軟，秫醪釀更香。已宜謀口腹，何必羨膏粱。

四更

四更山月報窓明，萬籟沉沉夜氣清。高枕酒醒渾

不寐卧聽羸馬齧芻聲

田園

十年奔走軟紅塵今日田園樂自真致仕還鄉應不遠何須容易說傍人

夢村

夢村無奈浣花村生事雖微樂事繁橘柚是奴魚是婢貧營生子竹生孫黃蠶已熟分磁椀綠酒新芻滿瓦樽且喜朝昏滋味足一瓢五鼎不須論

吾廬

青山無數擁吾廬秋入江村興有餘映日黃花金不敵媚霜紅樹錦難如肥鰲膏腹那無蟹巨口細鱗亦是魚從此盡除浮世事水邊林下老樵漁

九月晦日與權叅議從及諸村老更上望月

峯小酌有吟

今日正當九月晦又携諸子上高丘蕪葭浙漑汀洲晚鴻鴈橫斜澤國秋有約湖山青我眼無情歲月白人頭登臨幾度空回首萬里烟波惹起愁

歸去

歸去嗟何晚田園興不禁功名成蹭蹬歲月苦侵尋落日聞寒鴈西風急暮砧有懷噤不語天地少知音

在村家晚閱廬宣城思慎拜右議政不勝欣

林塗成數絕錄奉三首

談笑從容到上台聖君珍重倚盞梅邇來休暇居

村墅賀席深慚未獲陪
雙鬢刀騷白似銀引年致仕在明春袖中閑却經
綸手擬向田廬老此身
諸君衮衮策高勳誰數酸寒老廣文范老江湖亦
憂國杜陵一飯不忘君

村望

露下碧梧老風吹紅蓼愁乾坤千里眼湖海十年
秋塞北聞歸鴈江南認去舟青山吾舊隱復此費
淹留

村厨八詠

秔

秔稻春來白雪光軟炊方爛細生香杜陵雲子真

堪比我亦匙抄滿意嘗

秔酒

種秫元因為酒謀釀來村甕綠堪芻劉郎五斗醉
能解帚盡人間萬古愁

鮒膾

霜落寒江鮒子肥揮力雪縷細紛飛不知放箸盤
空盡銀膾頓思杜老詩

蟹醢

當年郭索且蹒跚那料沉釐五鼎間獨殼雙螯俱
有味也宜點酒更加餐

爛鷄

短翅昂頭不健飛秋來贏得稻梁肥爛烹割肉無

温軟不用牛刀妙手揮

蒸蝦

水田清淺蝦可曾厨子殷勤爛赤蒸也可晨昏供
一饌食前方丈愧何曾

芹羹

朝來碧澗採香芹杜甫羹中欲策勳我與野人同
此味區區只欲獻吾君

菘齏

西風吹送晚菘香瓦甕盞齏色政黃先我周顛會
愛此齏來滋味敵膏粱

與權利川兄弟暨諸彥又登望月峯

又携諸子更登臺客思紛紜未易裁鴉背夕陽抄

樹去鴈將秋色過江來莫論白髮蹉跎事且盡黃
花自在杯北望神京三十里五雲佳氣擁蓬萊

籃輿

落日蒼茫西嶺西籃輿鳴軋渡山谿村童拍手笑
何事笑殺醉翁歸路迷

重到諸富村墅

江臯昨日送清秋重訪柴扉野興幽地僻江山隨
處好年登禾稼趁時收陶潛尋壑經丘興李愿揀
山釣水謀七十明年當致仕欲將身世此歸休
更登妙高峯

躋攀更上妙高峯身在蓬萊第幾重仰摘星辰猶
在手俯看湖海欲吞曾登臨此日同騎鳳歸去他

年更釣龍無盡江山無盡興風流不讓飲千鍾

自諸富村墅乘晚到夢村

浮生嗟潦倒別墅足遨遊田畝餘三頃烟霞是一
丘飄零難自定名宦復何求此意知誰識深盟在
白鷗

憶妙高峯欲更登

憶昨登臨華子岡霜風琪樹半青黃鍾聲和月來
華蓋帆影隨潮入漢陽芳草晴川連浩渺浮雲倦
鳥落蒼茫明朝更欲凌高頂俯視人間隘八荒

廣州牧使半刺來訪

地主來相訪村廬最有光盈門森棨戟滿眼具壺
觴景物深秋色論談又夕陽居然沉醉卧厚意重

難忘

村晚

斜陽淡淡江水波閑倚林亭數返鴉時見村城頭
插菊行謔採木髴花

孤村

孤村斜日半平江老樹號風未易降知林宿鳥來
無數遵渚飛鴻去自雙野老巡園携竹杖漁人撐
艇捲蓬窻登高無盡英雄思笑對金風倒玉缸

江湖

東西南北是吾州隨意江湖得自由且可一觴又
一詠猶知某水仍某丘欲與子真歸谷口何妨杜
甫老夔州年來自許機心盡更擬凌風汗漫遊

十月

十月霜風鴈正高
滿汀蘆葦響蕭蕭
我來刺得江湖興
右手持杯左手螯

愛閑

白頭身世愧朝班
剛厭繁華愛得閑
少日才名黃太史
殘年行樂白香山
經邦事業知誰得
華國文章不我關
獨酌一杯還自笑
風流豪氣未曾刪

更登妙高峯

又携筇杖上崔嵬
萬壑千岑次第開
歲月已隨黃鶴去
烟波長送白鷗來
半邊落照紅於燒
三面澄江綠染苔
却恨才非李太白
無詩得似鳳凰臺

送賀

登極副使武靈柳公

子光二首

今年元日侯以賀正使赴京冬十月又

膺登極使之命縉紳諸公皆嘖嘖稱羨

曰京師諸夏之表奉使賢大夫之事侯於

一年之中再膺妙選

聖心之眷注物議

之推重如是豈不榮矣乎哉

居正衰病掩門長卧徒有卧遊之興今茲之別可無一

言哉

正朝之別略贈小序故謹述卑懷

賦近體二首錄奉非以為詩聊慰行邁之

勤談笑之資耳詩曰

山西氣槩復山東自是麒麟第一功
曾賀王春值正月又朝帝震趨冬風
一年跋涉寧辭數萬國梯航要與同
專對才名應獨擅使乎知禮孰如公

男兒弧矢氣豪麓鬱鬱何曾老一隅碣石過時思
夏禹間山行處憶唐虞乾旋坤轉開新運虎踞龍
蟠壯舊都使罷歸來詩幾首袖中萬斛摠驪珠

送賀正使李參贊崇元詩二首

九五龍飛仰大明元年正月紀麟經四時欽若頌
堯曆七政初齊協舜衡六合一家逢盛際三呼萬
歲祝皇齡才高專對誰如子敷奏彤庭荷寵榮進

黃甲才名第一流利賓今復飽觀周滿朝人物夔
龍盛當代文章賈董優玉帛交馳來遠服金湯鞏
固控神州眼高四海旋歸日黼黻經綸贊大猷

謝忠清金監司礪石送福泉妙墨

福泉烏玉品多奇十笏分來喜可知珍重文房堪
作寶摩挲病腕興臨池

禮判柳公輕生辰醉歸明日承問戲作

秩秩斯干制作新况逢初度屬佳辰多慚白髮如
泥醉猶記娥眉勸酒人

寄李判書封時赴京

弘濟溪邊話別離回頭北望費相思鴨江鶴野關
河阻盧塞燕山道路遲五色雲中瞻黼座三呼嵩
裏拜瑤墀誦詩專對真能事知有聲名四海知
鳳闕岩堯拂紫霄聖皇端拱鬱金袍鏘鏘環佩千
官肅濟濟衣冠萬國朝賡載虞廷推稷契功名漢
室數蕭曹觀光所得知多少禮樂三千眼更高

門閥韓山稼牧孫早年金榜擢魁元傳家詩禮會
專羨華國文章又策勳河東欲獻揚雄賦海外應
傳陸賈文待得明春拚軟脚杏花踈影月當樽
同庚柳公允謙拜同副承旨詩以戲賀
喜看高步擢龍喉同甲胡然已白頭七十明年當
致仕為君聊復且休休

夜詠二首

寂寂三四更悠悠千古心人生駒隙間胡為長苦
吟北風撼紙帳殘燈已銷沉時作有聲詩和以無
絃琴
一生抱愚拙白首空落托晝短苦夜長時序如轉
燭積雪滿庭除西岑月亦落寒鷄已報曉扶坐時

一酌

挽權花川

早年聲譽動朝端麟閣功名一品班百世勳盟期
永好十年尊酒幾同歡堪嗟痼疾治無効可惜浮
生駐亦難身後知應有遺憾眼前黃口惣斑斕
麻渡之西措島邊如今卜葬掩重泉鶴歸天上何
時返龍卧泓中幾日眠輔國早知勳烈盛傳家必
有子孫賢平生榮貴如君少未畢嫁婚只可憐

送申從事

從漢鴨江之行戲奉四首

龍灣迢遞道途脩鞍馬當年事遠遊歷歷江山渾
在眼送君今復思悠悠
永明寺裏麒麟窟浮碧樓前鸚鵡洲穩泛畫舫移

掉緩少年携妓亦風流
鳥沒臺高鴨水深幾番豪嘯快登臨吾今解肉高
千丈北望多時白首吟
昔日重過燕子樓佳人雖在將白頭如今惆悵已
奔月無計尋芳只自愁

送權叅判

健

宣慰關西戲贈二首

西都形勝古箕邦去去君今渡浪江今日使華誰
第一少年風彩自無雙佳人二八黃金髻美酒十
千白玉缸杜老才高應落魄半酣題詠筆如扛
七佛臺前薩水流繁華麗勝百祥樓風流學士今
陶穀訝舞佳人古莫愁鸚鵡洲前催羯鼓鴛鴦渚
畔泛蘭舟少年行樂真堪羨白髮如吾只卧遊

冬夜吟

萬籟不鳴虛白室紙帳蕭蕭明積雪白頭病客耿
不眠三幅裯衾冷如鐵爐頭茶鼎架頭書十曲屏
風短柄燭長夜漫漫未渠央曉鐘一聲半窻月

丁未十一月庚申

今當月壬子更值夜庚申冉冉流光急悠悠物候
新北風催臈日南至近佳辰老病渾無寐堪驚鬢
似銀

夜詠

仲冬日南至長夜深復深香殘一爐火冰合三幅
衾落落百年事悠悠千載心小詩不成律聊復長
短吟

七旬

七旬身世轉踈迓少日風流大半無聊把青編遮
病眼不禁白雪上衰鬚閑中獨坐親香鼎醉後長
訶擊唾壺預喜明年當致仕蒼波白鳥老江湖

曉吟

懺懺寒風紙幃低孤燈耿耿四更鷄世間無限榮
枯事獨坐無言思轉迷

又

邇來多病懶朝參撲撲昏塵滿笏衫且復知非謀
肉食文章經濟我何堪

寄濟州崔敬差溥二首

滄海茫茫天一涯憶君時復費相思相逢軟脚知

何日桃李春風二月時

橘柚黃時雪正霏山茶花上翠禽飛得詩已滿三
千首去自堂堂得得歸

丁未初度日邀領敦寧鈴原尹相

惟庚我初度六十八春秋朽質終何用衰頰皺可
羞功名知己足世事復焉求準擬同問閑一杯聊
獻酬

聞李廣原回自平壤戲奉

多病經旬白盡鬚聞君新自返西都青城皓齒三
行密人物風流似舊無

上黨府院君韓公挽章三首

天啓中興運英雄必有遭武侯遇先主謝傳扶晉

朝公生千載後名與兩賢高龍飛逢盛際扶日上
層霄

出入為將相邦國仗安危五長岩廊日四圖麟閣
時勲盟期帶礪人物擬筮龜國舅尊誰比恩榮福
祿宜

經濟三朝相人皆仰老成如何木稼怕忽此天柱
傾彛鼎留勲烈衣冠想典刑聖朝優禮數終始極
哀榮

寄濟州崔敬差

鯨濤浩渺漢拏山蓬島瀛洲咫尺間十幅簾條高
萬丈東風穩送使船還

臆雪

江雲漠漠雪飛花如絮欺梅變態多老病灞橋無
復興擬從陶老細煎茶

次韻權僉知節見寄

雙鬢刀騷白雪華年將七十亦堪嗟卯君何事亦
如我互持衰鬢恨轉加
來詩珍重似瓊華賡韻何曾辦咄嗟何日論文一
樽酒狂謔醉舞興交加
知君經術富才華有底功名末路嗟我亦年來衰
已甚相逢慷慨也應加

再用前韻

強顏袍笏走京華經國才疎獨自嗟白髮渾頭高
百丈玄花两眼日增加

四言詩集卷三十一
三十一
臆雪紛紛換物華又驚時序幾回嗟明年致仕歸
田去白鳥蒼波興倍加
文章於道本浮華老更生疎不足嗟知子詞壇無
敵手珠璣萬斛價尤加

三用前韻

我曾齊物似南華得莫欣欣失莫嗟屈指交遊皆
白首一樽談笑更何加
殘年無夢到繁華一夜寒燈八九嗟若遣玲瓏訝
妙曲也應豪氣醉中加
松竹前頭菊亦華田園歸計動悲嗟依違十載成
何事斗覺霜毛一半加
夜詠二首

歲月自崢嶸長夜何漫漫一卧八九起幽思千百
端忽聞四更鷄起舞空盤桓舉世少知己子立良
獨難
我懷本坦蕩慷慨從何來既讀古人書而無古人
才於世無適用樗櫟為散材古人不可作三叫空
悲哀

賀權大司諫從五首

聖君容諫言路開薇掖如今得俊才會見朝陽鳴
鳳日封章慷慨疾於雷
上前論事伏青蒲獻納訂謀睿睠紆時復避人焚
諫草聲名直與古人俱
風流藥省日暉暉埤竹尋梧間紫薇酬唱也應追

賈杜昇平轉覺諫書稀

當時我亦老司諫蹇諤何曾批逆鱗
衮職慚無一字補三緘
默默似金人

某直某忠某詐回諫官箴警久傳來勸君讀我題
名記公論由來可懼哉

寄濟州崔敬差

觀德亭前山似畫
朝天館下水浮空
竒遊萬里男兒事
應向扶桑早掛弓

謝潭陽郭使君垠送藍輿

年來衰病可何如
白髮龍鍾百丈餘
已向紅塵厭騎馬
喜君今日送藍輿

丁未十二月晦臆

臆日共除夕感時仍感懷
乾坤容我老節序為誰催
歲律行將盡春光恰得回
三元明日是且可進椒杯

戊申元日

元朝還自慶六十九
青春厭作椒花頌
先呼栢酒親稀年
將致仕殘歲敢謀身
只願長強健優游樂
歲辰

奉寄金留守自貞三首

龍鍾白髮病沉綿
已到稀年致仁年多謝
故人珍重意分明
頭上有蒼天
浮世功名老不堪
尋常移病懶朝參
滿朝冠蓋知音少
可與言人十四二

燕山鴨水憶同遊屈指悠悠三十秋君是平生知
我鮑年年其奈別離愁

各咸陽曹太守律二首

白髮鬢髻萬丈餘始知多病故人踈南州太守是
知己感激時時寄素書
功名末路喜蹉跎七十年高奈老何準擬今年當
致仕達城城下有田家

入日

好日是入日題詩憶草堂花風纔報信梅雪尚仍
香盤菜呈新綠樽醪灑舊黃多慚我衰病銀勝汝
鮮粧

長夜

晝短胡為夜苦長通宵不寐起彷徨癡兒夢覺時
喧嘩老婢沉眠半死僵終夜補虛唯米屑多時解
渴只茶湯忽聞隣舍鷄三叫起舞踉蹌故作狂

初八日

入日纔經未立春朝來晴雪爛如銀樽中臘酒香
仍在節物盤中細菜新

夜坐

閑愁萬種抱沉疴長夜無眠坐結跏土埃布衾寒
似鐵滿窓風雪落燈花

久病

久病何由避新年亦倍愁藥殘工部裹縫綻放翁
裹脛弱扶筇懶頽枯攬鏡羞頭顱真若此身世亦

悠悠

送權大司憲健謫南五首

少年遷謫問如何閑事天公戲劇多宣室召還應
不日暫時分手不須嗟

韓愈之文子厚詩當時一謫盛名隨古來賢達皆
如此此去文章子益奇

今子偏承聖主恩南冠暫著出都門倚間只是關
心事得失榮枯不足論

白頭身世病侵尋其奈今朝惜別心恨不離亭供
一酌暗然聊復費長吟

人日纔經近立春新年梅柳亦精神如何匹馬南
遷路觸處風光愁殺人

病裏

病裏情懷日苦煎舊方無効已都捐虛傳玉屑宜
和藥未信金丹可引年大抵肺傷因酒癖近來口
渴坐茶顛百年身世渾如寄萬事無心付自然

送平安道李評事宗準三首

好去李評事今為入幕賓才名誰不重籌策正如
神聖代敷文教邊城息戰塵况逢賢主將肝膽照
相親

馬是精選參軍真丈夫談兵時借箸哥雅日投
壺細柳晴如拭紅蓮膩似酥弛張文與武莫說是
這儒

萬里青雲遠君今展驥初腰纏三尺劔腹貯五車

書平戎樽俎裏飛檄笑談餘催詔徵還日承明直
禁廬

大歲日

嘗讀杜工部大歲日詩註云大曆三年歲
次戊申正月丙午朔則初三日為大歲戊
申日也今年適戊申而十三日亦戊申故
効杜甫有作

戊申大歲日忽憶杜陵詩謀拙仍多病才疏豈合
時年光何在莽心事轉參差為作新年慶香醪醉
不辭

立春日次李玉如韻兼謝送春菜

新年多病鬢如絲春色欺人過竹籬喜見盤中細

生菜少陵風味我先知

五辛盤縷細於絲半畝新蔬隔短籬急喚女奴斟
栢酒一春情興許誰知

勝裏金花簇錦絲飛來綵燕入東籬半酣為寫宜
春帖新歲佳祥不_レ知

病起

人生天地間百年如過隙我年六十九雙鬢如雪
白苦乏衛生術疾病日侵迫容顏已衰謝筋骨亦
銷鑠歷觀世間事吉凶相倚伏天運苟不窮焉知
來者福為酌一盃酒聊以慰幽獨

病中書懷寄金同年

未濡

兩榜當時姓字聯回頭五十有餘年君今矍鑠青

春後我政衰遲白髮前已擬引年箋致仕會當乞
骨賦歸田舊交零落新知少老病情懷益可憐

更長

更長渾不寐坐久落燈花老病維摩室清貧居士
家寬愁憑翹老煖足倚湯婆寂寞中宵月清光覺
倍多

次忠清金監司 礪石韻五首

九重深邃敞天門出入銀臺荷聖恩當日才名推
第一明良遭遇際風雲
况承綸命拜金門杖鉞觀風布德恩一飯何曾忘
魏闕夢魂長入華山雲
黃麻初降紫宸門褒詔丁寧示寵恩俯伏拜嘉增

感激遙瞻北極繞紅雲

童冠成行立聖門一時齊唱感君恩南州到處歡
聲遍和氣春風藹似雲
多病頻年坐掩門時時偏感使華恩欲賡高韻慙
才拙寂寞誰憐老子雲

用前韻寄金同年二首

謬將文墨忝朝聯碌碌無成五十年盡節欲攀諸
子後立心妄許古人前一區自有揚雄宅二頃那
無李子田出處英雄當自斷功名僥倖敢求憐
珍重君今寄好聯知應記我老同年為文莫嘆居
王後成佛何妨在謝前此日貪榮仍竊祿何時問
舍更求田百年身世渾如寄心事蹉跎只可憐

讀宣和遺事有感三首

南北分爭最可嘆，鸞輿自屈竟蒙塵。奸邪誤國由來事，何不當年退小人。
童蔡當朝作禍機，道君晚節悔前非。不知五國城何在，天地無情歲月飛。
治亂由來在聖狂，衮衣藍樓亦堪傷。千秋殷鑑分明在，宜把遺編戒後王。

讀明皇戒鑑有感

玉真宮中頽似玉，楊家熱官手可炙。錦棚胡兒作弄雛，日賜金錢恣歡娛。開元大平忽天寶，八駿如飛塞馳道。沉香亭北，牡丹開金杯。激灑葡萄醅，笑中有刀非虛言。漁陽鞞鼓如雷喧，鸞輿西幸峨眉

顛蜀道之難如上，天馬嵬仙骨化為塵。空有錦襪誇後人，當時五王醉扶歸。花萼一樓相映暉，一自縱欲墮聲色，聲色寧知誤人國。閨門流臭不可極，四海蒼生半魚肉。賴天金鑄汾陽王，唐家日月重輝光。

病中書懷寄金子固雙溪齋三首

桃源洞裏是雙溪，梅塢風流接竹蹊。我欲藍輿一相訪，冰崖雪徑滑難躋。
新年梅柳媚新晴，獨坐焚香一室清。半醉有時彈錦瑟，閑教小妾唱低聲。
年來多病白髭鬚，尚擁重裘學坐趺。巷柳園桃皆換馬，應門唯有一童烏。

送潭陽南府使 李堂 二首

潭陽何處祝堯樓送子星軺五馬遊容勿絲綸頒
北闕繁華雲物冠南州錦屏邈迤千岑矗玉槩尖
新萬竹脩喜見腰間印如斗今時刺史古諸侯
朱轡皂蓋縮銀章多少親朋袒席張中酒自慙徐
邈聖吟詩聊和次公狂渭城柳色傷心碧何遜梅
花入夢香擬見湖南治第一何人大手傳循良

次權道遙亭詩韻寄長湍別墅 約

兜羅山下洛河北君卜菟裘近兩京疏廣從容曾
早退陶潛歸去復高情寬閑歲月身長健登眺江
山眼更明我亦今年當致仕一樽知復笑相迎

又

少年金榜擢巍科紫綬銀章炫綺羅明哲如君天
下少急流勇退古無多

多君早袖經邦手愧我虛勞用世心七十年來方
自悔入山猶恐不深深

送安邊南府使 李堂 次武靈韻四首

彈琴鈴閣播薰風神化能回造物功褒詔丁寧頒
十札高名藉甚冠諸公割鷄妙手湖南最展驥雄
才真北空從此徵黃應不日廟謀廷議已僉同
慷慨公廡有古風承流宣化見神功治如召杜聲
名早政比龔黃物議公盤錯簿書隨手斷掃除疾
苦轉頭空鸞栖枳棘終非地他日蜚騰孰子同
先君當日揖高風交道漸磨早見功天上麒麟會

有種人中龍鳳孰如公雙清心跡傳家有獨步才
名絕代空眼底青雲平萬里著鞭應與祖生同
年來衰病又頭風輔國會無細小功白傳有心將
結社辛毗那計忝為公風流行樂少年事零落親
朋太半空惆悵與君相遠別渭城聊復一尊同

送慶尚成監司傲三首

九重綸綍荷恩榮黜陟仍無節制行千里山河歸
鎮定一方人物屬澄清使星更與文星合愛日還
從畏日明去去巡咨宣聖化崇陰知復樹風聲
南國繁華甲海東君今杖節繼家風君之伯父中
樞恭惠公仲
父講政襄靖公
皆按慶尚道三千佳妓謠謠日七十州官拜舞
同范轡張輪會慷慨謝詩韓鉞復英雄丁寧更為

南民說分陝如今得召公

達城山下我菟裘中有茅廬小似舟七袞今方乞
骸骨四休終欲卧林丘病懷歷歷真如此遠別悠
悠只自愁預賀徵還應不日姓名知已覆金甌

謝高中樞送柑三首

珍重黃柑滿一盤看來一一走金丸十年長抱相
如渴細嚼渾驚舌欲瀾

耽羅人說是名區知子千頭有木奴摘得年年分
異味甜於崖蜜滑於酥

何曾謝帖似羲之落瓜清霜憶杜詩坐讀東坡甘
吉傳人生嗜好正如斯

晝寢二首

長夜昏昏睡不堪如何清晝亦眠酣已迷蘧榻南
華蝶枕上黃梁不足談
杜陵晝寢絕堪憐夢裏中原豺虎邊不似今時四
佳老清風北牖醉長眠

再用前韻寄權叅議三首

君已歸休開別墅我今奔走滯神京黑甜軟飽閑
中興倦鳥出雲物外情盤谷昔年送李愿鑑湖今
日歸四明已從野老休爭席里社鷄豚喜迓迎
江湖君已鷗相狎門戶吾今雀可羅衰病年來空
白髮宦情日淺野情多
兩地相思十載夢一生深契百年心何時樽酒開
青眼杯面澄澄不厭深

三用前韻三首

戀主君時瞻魏闕憶兄我日望開京高山流水期
牙趣北樹東雲李杜情繞屋青巒長偃蹇捲簾白
月轉分明閑中身世渾無管春去秋來慣送迎
江澈千尋面臨渡山高萬丈背兜羅悠然未罷登
臨興三徑依稀雅趣多
酒愛青蛆浮甕面鱸膾白雪落盤心桃紅柳綠詩
中畫家在朝川深復深

閏正月有雪

新年時序緩閏月雪霜繁白酒腸初煖紅爐手暫
溫衰髯撚皆斲病眼階更昏何日春光好朝暎灸
背暄

翌日大風

昨日霏霏雪今朝剪剪風
籟先喧萬竅茅已破三
重自信同飛梗何須問
轉蓬居然成小酌獨坐
送高春

夜吟

春寒積雪滿庭深老病
貂裘冷不禁手酌一杯
成小睡殘燈孤枕夜沉
沉

獨坐遣悶

老病襟懷不痛湔可堪
膏火自相煎日思王粲
登樓日年過賈生垂涕
年身外不用醒獨悴生
前惟有醉差賢功名得失
筌蹄耳萬事無心揔在天
雪後

積雪初消霽景澄曲闌無語為長憑
披書頓覺精神減攬鏡堪驚骨相稜
老去詩名慙杜甫少年豪氣愧陳登
蹉跎世事憑誰說擬學山中面壁僧

感懷

少年虛譽倚文章碌碌無成鬢已霜
事業敢期留碧簡功名自笑縮黃楊
生前不得攀豪傑死後何論有臭芳
磊落襟懷猶似舊高歌日日酒澆腸

次逍遙亭權兄見寄詩韻六首

浣花溪上草堂詩正是逍遙得意時
從此吾將賦歸去丁寧亦復報君知
紅塵白髮已殘生身世多慙賀四明
我亦菟裘在山下卜隣終欲話深情

詩中有畫畫中詩花落鸞啼自四時家在朝川人
不識後身摩詰我曾知
吟苦年來大瘦生玄花滿眼不分明誰知南北相
思夢一寸心容萬斛情
晚節蹉跎正坐詩風流豪氣減前時雖然鐵石心
猶在頭上明明有四知
賢達由來愛翹生君今出處似淵明世間肉眼紛
紜耳誰識先生高世情

春日

驀地東風吹似醇滿城花柳亦精神珠簾乍捲西
山雪金盞時傾北海春百歲流光逢令節一生多
病笑吾身年來吟瘦如工部勲業時時攬鏡頻

青春曲

瓊樓畫閣雪未殘曲闌剪剪餘春寒流蘇帳暖錦
屏開羊羔兒酒鸚鵡杯美人低唱金縷衣十織宛
轉朱桐絲攬鏡韶華又一春曲渚鴛鴦愁殺人

穩坐

穩坐南窗春晝長老龜猶復可支床淺斟綠醕翻
成醉時嚼黃柑細有香世事飽經三折臂愁懷斷
不九回腸青山繞屋應無恙有夢多時到故鄉

送徐斯文

赴之任谷山郡三首

斯文太常寺四載忝僚朋酒喜君孫邈詩慙我祖
疑徐徐臨事臨民如種樹為郡似治繩去去勤宣化
臨分別恨增

我昔宦遊日閑登滌暑樓山連岳嶺去水入大同
流不見一黃鶴時看雙白鷗官閑公事少宜日習
池遊

悠悠四十載歷歷記前遊賢主庾開府惡賓徐充
州我今長抱病君已去分憂預識六年政循良第
一流

流年

青鏡流年兩鬢秋蹉跎世事與仇謀若為長得華
胥樂強半空懷杞國憂欲向山中看射虎還從海
上講盟鷗晚年豪氣都消盡閑卧元龍百尺樓

晚節

吾生當晚節景物已春華世事多如髮人情薄似

紗欲尋白蓮社更和紫芝歌苦被名韉縛其於道
世何

懷古三首

青蓮居士謫仙老黃菊玉人逃世翁嗜酒嗜詩兩
無敵高名獨立天地中
浣花行樂杜工部赤鯀風流蘇雪堂千古文章有
正印無人襲馥仍傳芳
北海開樽古稱達東山携妓今無人昔賢寂寞不
可見只有肝膈空輪囷

送金堤崔太守

慷慨今誰比公廉古亦無民皆歌有父俗不嘆無
孺已渡南江虎應還合浦珠微黃催詔後高步上

雲衢

為送崔秋浦慙非李白詩去年纔邂逅今日又分離為郡鳴琴日還鄉衣錦時參商將六載知復費相思

春日

鼎鼎青春節序闌重裘猶薄未遮寒愁來不厭盃心凸病後堪驚帶眼寬柳色尖新金欲鞞梅花開落雪初殘龍鍾怕跨紅塵馬羸被傍人冷笑看

病後

曾聞病與老相隨老病如今我自知白髮斷無還黑日顰顏寧有更丹時方書散亂空遮眼藥物紛紜未救衰朝粥暮餽聊適意百年身世復何為

光陰

光陰如逝者世事忽淒其憔悴形容變鬢鬢髮垂空懷投紱興恨乏買山貲天地知音少蒼茫獨詠詩

謝孫七休見訪蕪迷鄙懷錄奉三首

堂堂廊廟棟梁材談笑知應到上台老病如予誰復數感君榮訪獲追陪

四十五年名宦客百千萬首苦吟詩中間所得知多少病已膏肓鬢已絲
歷判六曹慙不分蕪知四館愧非才黃扉五八終無效七十今年擬乞骸

閑中二首

逃名逃不得獨坐晝關門自有園林趣會無市井
喧巖頭龜已縮信手蠶空捫飽閱人間事浮雲變
態紛

茅簷餘積雪瓦甕發新醅不用空彈鋏唯宜數舉
杯吟高將日晚睡足已春回眺覽觀時物頻驚節
序催

病中吟成數絕送安岳尹太守者兼簡金都

事浩斯文

春風五馬疾如催百里分憂仗俊才多病未能參
祖席荒詩一首當三杯
牛山如黛翠千重更有華亭接筆峯莫說關西故
人少相逢亞吏醉千鍾

繁華雲物說黃州我昔重登廣遠樓頗識安山隣
咫尺青娥皓齒更風流

賣藥叟

山西白髮賣藥叟賣藥得錢即沽酒沽酒徒倒罍
吸川醉鄉日月無中邊行年七十無一妻無屋可
居田可犁朝昏不繼粥與餽是非憂樂皆蹄筌君
不見長安無數將相賢富貴炙手仍薰天功名役
役焦精神保全終始知幾人賣藥叟爾可憐一生
不竊大倉錢方其賣藥賭醉時天崩地拆那得知

閏正月二十二日親祀先農病不陪祭

親祀東郊闡大儀鸞與旋軫日遲遲梨園弟子呈
歌舞芹館儒生獻頌詞父老欣逢稀代事臣工齊

捧萬年危阻參盛會緣多病恨不清光近玉墀
垂老

垂老宦興少逢春鄉思增退飛嗟宋鷁直上羨
鵬世味曾嘗膽人情屢折肱早知文字誤遣興酒
堪憑

處世

處世三無愠安貧百不憂病中親藥餌慵裏度春
秋矍鑠身難健伶俜跡已浮十年歸老計湖海一
扁舟

薄酒

薄酒取醉是得計破裘禦寒真良謀安用党老羔
兒酒安用秦王狐白裘薄酒破裘志願畢此外屑

屑餘何求擬續東坡老居士薄薄薄酒聊消憂

懶病自嘲

閑能成懶懶能癖病亦思歸歸亦難門掩蒼苔春
寂寂枕書高卧日三竿

漫題

白頭却怕臨青鏡黃嬾偏欣遇黑甜西日岸烏閑
倚枕南山捫蝨坐鉤簾

閑吟

北牖閑情歸坦腹東山雅興入支頤高吟未夢江
淹筆半醉時成李白詩

兔毛筆

幾日狡窟窻今朝能拔毛中山推族譜管子策勳

勞飛白功尤妙草玄價更高他時催作詔珠玉在
揮毫

春懷

負暄終日坐前簷景物撩人費遠瞻開盡澗梅香
靨瘦擺殘堤柳舞腰纖陽崖風暖花先識陰壑冰
消水自添樽酒風流一春事如何世味淡於鹽

漫成

少日才名頗自竒中間萬事易參差人情却怕鷗
鷺嚇時勢堪驚螭蚌持歲月消磨雙草屨乾坤賭
擲一枰棋無人共話心中事說與江南白鳥知

煎茶

龍團名第一雲脚雪芽新活水煎初細枯腸味更

真盧詩吟轉苦陸譜語皆陳司馬長年渴惟宜自
酌頻

放慵

久矣身多病居然日放慵琴樽幽興足花竹雅情
濃明月開踈箔青山倚短筇無浮世夢行欲學
喬松

述懷

進退格

老大追思少壯時中間萬事與時違未成彭澤歸
田計謾擬香山結社期舉舉何能逃世網昏昏猶
未蛻塵機滿朝豪傑多於織衰病如予退亦宜
謾題

碌碌功名白盡鬚晚年心事轉踈透何須苦乞宗

元巧且復甘心武子愚天地無情飛歲月田園有
約近江湖故山昨夜歸來夢松竹淒涼菊亦蕪

相思怨

請君小停綠綺琴聽我小妾相思吟憶昔紅顏二
八時珍重百結相思心比翼之鳥連理枝丁寧信
誓無盡期如何一朝秋風颯視如紈扇棄如遺妾
心耿耿明似鏡惆悵鏡中孤鸞影君心正似風中
絮飄搖南北不自定明月有虧時復盈君心為妾
何時明相思怨可奈何天長地久無盡情

移病

連旬移病坐怡神俗味從前厭苦辛無奈光陰如
過客不妨身世作閑人風霜砭骨今三月花柳爭

妍又一春擬向江頭拚勝會與衣沽酒答佳辰

詠懷

十年宦海信浮沉不用機關枉費心
世誰如陶令酒知音未遇伯牙琴
紅塵白髮乾坤老黃卷青編歲月深
安得春光鎮長在百花叢裏短長吟

白髮

白髮有深根種種日繁滋鑷之不可去霜雪又被
之酌酒問白髮白髮如有辭我非勞汝形汝自酷
耽詩耽詩多苦日不見榮華時汝復當自惜我言
只如斯

偶吟

人間歲月走如丸鏡裏堪驚兩鬢斑無酒可招佳

四佳詩集卷之五十一
客飲有書聊許小兒看滿城桃李春初暖一院松
篁雪欲殘獨坐無言觀物化天時人事頗相關

四佳詩集卷之五十

